

In deel 1 het ons die algemene werking van Echolink bespreek, in hierdie deel kyk ons meer die verskillende keusekaarte en hulle onderskeie funksies. Wanneer die Echolink program opgeroep word, word die hoofkeusekaart vertoon soos in **Figuur 1** aangetoon. Hierdie kaart bevat die mees algemene besonderhede van die program, bv.

1. Lys van al die stasies wat op daardie oomblik op die Echolink webwerf aktief is. Die stasie is groepeer in Herhalers (Repeaters-R), Skakels (Links-L), Gebruikers (Roepsein alleen) en Konferensie groepe, roepsein tussen *.*
2. Die ikone wat die meeste gebruik word is die heel skakel, 2de van links en die gebroke skakel 3de van links. Die 2de skakel van links word gebruik wanneer die gebruiker op 'n roepseine besluit het en kontak wil maak en die gebroke skakel wanneer die gebruiker die Echolink skakel wil breek.
3. Besonderhede van die plaaslike stasie en alle ander wat aan jou stasie gekoppel is word in die regter boonste paneel vertoon. Links onder is die volume stafie wat die sterkte van die inkomende en uitgaande sein aandui.
4. Die wit balkie regs onder word gebruik om dmv die sleutelbord met gekoppelde stasies te kommunikeer sonder om die audio gesprek te onderbreek, bv. vra die ander stasie of jou volume na wense is, of ruil e-pos adresse uit ens.
5. Regs, heelonder is daar vertoonvensters wat aantoon dat Echolink gekoppel is en flits daar dan twee balkies (RX&TX) wanneer Echolink onderskeidelik in die ontvangs- of stuur modus is.

Figuur 2 Laat die gebruiker toe om sy persoonlike besonderhede in te voeg bv. Roepsein. E-pos adres ens.

Die instelling in **Figuur 3** is baie belangrik aangesien dit die vloeiendheid van die die gesprek na weerskante beïnvloed, elke rekenaar en internet verbinding is eiesoortig en die gebruiker moet speel met die instellings totdat die beste resultate bereik word.

In **Figuur 4** word die waardes gestel soos aangetoon, dit verhoed dat die TX/RX na 'n vasgestelde periode outomaties afskakel en **Figuur 5** toon die fyner instelling aan, weereens is dit afhanklik van die gebruiker se eie opset in terme van hardeware, tipe modem ens.

In **Figuur 6** besluit die gebruiker of hy/sy meer as een stasie wil toelaat (Conferencing) en of sy inligting aan alle stasies gestuur moet. Dit is wenslik om dit te doen anders is u nie sigbaar nie en weet niemand van u nie.




Fig. 1




Fig. 2




Fig. 3




Fig. 4




Fig. 5



Fig. 6

Ter afsluiting, Echolink het geweldig baie instellings wat deur 'n gebruiker volgens sy/haar keuse ingestel kan word en sal 'n detail bespreking van elke keusekaart heelwat bladsye beslaan.

Die volledige handleiding kan vanaf die Echolink webblad afgelaai word by www.echolink.org of ek sal dit aan u e-pos, stuur net 'n leë e-pos aan zs6fcs@telkomsa.net met die woorde "Echolink artikel" en ek sal dit aan u stuur. U is ook welkom om my te skakel by 082-4641007 of 012-3331826 indien u meer wil weet.

Sluit aan by die jongste tegnologie en ontdek die wye en interessante wêreld van amateur radio!